

Beatæ Mariæ Virginis Protectricis Rubricarum

Introitus

Is. 63, 2-3



UARE ergo rubrum est
indumentum tuum,
et vestimenta tua
sicut calcantium in torculari?
Torcular calcavi solus, et de
gentibus non est vir mecum.

Ps. 118, 97 Quomodo dilexi
legem tuam, Domine: tota die
meditatio mea est. V̇. Gloria
Patri.

Oratio

DEUS, qui humilia respicis
et alta a longe cognoscis:
da famulis tuis humilitatem
beatæ Mariæ semper Virginis
puro corde sectari; quæ audiens
verbum Dei custodivit illud et
præcepta tua semper servavit.
Per Dominum nostrum.

Lectio libri Sapientiae

Prov. 6, 20-23

CONSERVA, fili mi, præcepta
patris tui, et ne dimittas
legem matris tuæ. Liga
ea in corde tuo jûgiter, et

circûmda gutturi tuo. Cum
ambulaveris, gradiantur tecum;
cum dormieris, custodiant te:
et evigilans loquere cum eis.
Quia mandatum lucerna est, et
lex lux, et via vitæ increpatis
disciplinæ.

Graduale

Prov. 8, 34-36

Beatus homo qui audit me,
et qui vigilat ad fores meas
quotidie: Qui me invenerit,
inveniet vitam, et hauriet
salutem a Domino. V̇. Qui
autem in me peccaverit, lædet
animam suam; omnes qui me
oderunt diligunt mortem.

Allelûja, Allelûja. V̇. Sap. 8,
32 Nunc ergo, filii, audite me :
beati qui custodiunt vias meas.
Allelûja.

✠ Sequentia sancti Evangelii
secundum Lucam

Cap. 11, 27-28



N illo tempore:
Loquente Jesu ad
turbas, extollens

vocem quædam mûlier de turba dixit illi : Beátus venter qui te portávit, et úbera quæ suxísti. At ille dixit : Quinímmo beáti, qui áudiunt verbum Dei et custódiunt illud.

Offertorium Ps. 68, 10

Zelus domus tuæ comédit me et oppróbria exprobrántium tibi cecidérunt super me.

Secreta

HUJUS, Dómine, sacraménti percéptio peccatórum nostrórum máculas abstérgat: et, ejus gloriósæ Vírginis intercessióne, quæ legem orándi simúlque credéndi semper tuétur, per oboediéntiæ

viam ad supérna nos regna perdúcat. Per Dóminum.

Præfatio de B. Maria Virg. Et te in Festivitate.

Communio Ps. 18, 8-9

Lex Dómini immaculáta, convértens ánimas. Præcéptum Dómini lúcidum, illúminans óculos.

Postcommunio

HÆC nos commúnio, Dómine, purget a crimine: et, intercedénte beáta Vírgine Dei Genitríce María, cæléstis remédii fáciat esse consórtes. Per eúndem Dóminum nostrum.